

# **UNIVERZITET U SARAJEVU**

## **- SENAT -**

Broj: 0101-I-99/06

Sarajevo, 08.02.2006. godine

### **Z A P I S N I K SA 12. SJEDNICE SENATA ODRŽANE 08.02.2006. GODINE**

Prisutni članovi Senata: Prof. dr. Hasan Muratović, rektor, prof. dr. Ljerka Babić, prof. dr. Mensur Hajro i prof. dr. Nikola Kovač, prorektori, članovi Senata sa visokoškolskih ustanova: prof. Nusret Pašić, prof. Marko Kovačević, prof. dr. Ahmed Hadrović, prof. dr. Dževad Šehić (po ovlaštenju Dekana), prof. dr. Kemo Sokolija, prof. dr. Adnan Silajdžić, prof. dr. Hidajet Repovac, prof. dr. Ismet Grbo, prof. dr. Izet Rađo, prof. dr. Šefkija Čekić, prof. dr. Elvira Kovač-Bešović, prof. dr. Ilijas Tanović, prof. dr. Samir Arnautović, prof. dr. Munib Maglajlić, prof. dr. Stjepan Marić, prof. dr. Osman Durić, prof. dr. Selma Ferović, prof. dr. Safet Smajkić (po ovlaštenju), prof. dr. Vjekoslav Selak, prof. dr. Mustafa Imamović, prof. dr. Muharem Avdispahić, prof. dr. Nenad Tanović, prof. dr. Mirjana Malić, prof. dr. Faruk Mekić, prof. dr. Faruk Čaklovica i prof. dr. Hamdija Ramić (po ovlaštenju Dekana), te prof. dr. Idriz Bukvić – KCU (po ovlaštenju Direktora) i dr. Ismet Ovčina (NUB).

Ostali prisutni: Doc. dr. Mustafa Hrasnica (Građevinski fakultet) i Zoran Selesković, dipl. iuris., generalni sekretar, te izvjestioci po pojedinim tačkama dnevnog reda.

Odsutni članovi Senata: Prof. dr. Rifat Škrijelj i Denis Čamdžić, student.

Zasjedanje je počelo u 13,00 sati.

Predsjedavao je prof. dr. Hasan Muratović na čiji je prijedlog usvojen slijedeći

### **D N E V N I R E D:**

1. Usvajanje Zapisnika sa 11. sjednice Senata od 21.12.2005. godine;
2. Donošenje odluka o davanju saglasnosti na izbore u nastavnička zvanja;
3. Izvještaj o radu Rektorata Univerziteta u Sarajevu za period oktobar 2004. – decembar 2005. godine;
4. Izvještaj o toku reforme na Univerzitetu u Sarajevu;
5. Izvještaj o Implementaciji aplikacije „Studentska služba integriranog UNSA“;

6. Razmatranje Pravilnika o plaćama, dodacima na plaću i naknadama po osnovu rada zaposlenika Univerziteta u Sarajevu – radni materijal;
7. Informacija o održavanju Svečane promocije diplomanata i magistranata fakulteta i akademija Univerziteta u Sarajevu za 2006. godinu;
8. Razmatranje matičnosti;
9. Usvajanje Pravilnika o zadacima i načinu rada grupacija visokoškolskih i naučnih članica Univerziteta u Sarajevu – prijedlog;
10. Doktorati nauka;
11. Nastavni planovi i programi;
12. Saglasnost na raspisivanje Konkursa za upis III generacije studenata postdiplomskog studija „Evropske studije“;
13. Saglasnosti na univerzitetska izdanja;
14. Nostrifikacije;
15. Tekuća pitanja.

## **T O K S J E D N I C E**

### **Ad-1.**

Zapisnika sa 11. sjednice Senata od 21.12.2005. godine usvojen je jednoglasno.

### **Ad-2.**

Uz 1 (jedan) „uzdržan“ glas **d o n e s e n e s u O D L U K E o davanju saglasnosti na slijedeće izbore u nastavnička zvanja:**

### **AKADEMIJA LIKOVNIH UMJETNOSTI**

**2.1.** Mr. Irfana Handukića u zvanje docenta za predmet METODIKA LIKOVNOG ODGOJA. Izvjestilac je bio prof. mr. Radoslav Tadić.

### **ELEKTROTEHNIČKI FAKULTET**

**2.2.** Dr. Željka Jurića u zvanje docenta za oblast INFORMACIONE NAUKE (predmeti: OSNOVE RAČUNARSTVA i TEHNIKA PROGRAMIRANJA). Izvjestilac je bio prof. dr. Faruk Turčinhodžić.

### **FAKULTET KRIMINALISTIČKIH NAUKA**

**2.3.** Spec. Mehmeda Nale ponovo u isto zvanje – predavač za opšti predmet TJELESNI ODGOJ. Izvjestilac je bio prof. dr. Hidajet Repovac.

### **FAKULTET POLITIČKIH NAUKA**

**2.4.** Dr. Ismeta Grbe u zvanje redovnog profesora za predmet SOCIOLOGIJA II (oblast SOCIOLOŠKIH NAUKA). Izvjestilac je bio prof. dr. Hidajet Repovac.

**2.5.** Dr. Nijaza Musabegovića u zvanje redovnog profesora za predmet SOCIOLOGIJA NASELJA (oblast SOCIOLOŠKIH NAUKA). Izvjestilac je bio prof. dr. Hidajet Repovac.

**2.6.** Dr. Nerzuka Ćurka u zvanje docenta za predmete: GEOPOLITIKA i MEĐUNARODNA SIGURNOST, GLOBALNE I REGIONALNE STUDIJE (naučna oblast SIGURNOSTI) Izvjestilac je bio prof. dr. Jagoš Dujović.

#### **FAKULTET SPORTA I TJELESNOG ODGOJA**

**2.7.** Dr. Siniše Kovača u zvanje docenta za predmet BIOMEHANIKA. Izvjestilac je bio prof. dr. Ivan Hmjelovjec.

#### **FARMACEUTSKI FAKULTET**

**2.8.** Dr. Damira Marjanovića u zvanje docenta za predmet BIOTEHNOLOGIJA. Izvjestilac je bio prof. dr. Rifat Hadžiselimović.

#### **MUZIČKA AKADEMIJA**

**2.9.** Ehlmane Tikveša u zvanje docenta za predmet KLAVIR (obavezni predmet struke). Izvjestilac je bila prof. Dunja Dimitrijević.

#### **POLJOPRIVREDNI FAKULTET**

**2.10.** Dr. Sonje Bijeljac u zvanje redovnog profesora za predmete: POZNAVANJE I PRERADA MLIJEKA i KONTORLA PROIZVODA. Izvjestilac je bio prof. dr. Ahmed Smajić.

**2.11.** Dr. Enise Omanović u zvanje docenta za predmet HEMIJA. Izvjestilac je bila prof. dr. Esma Velagić-Habul.

#### **PRAVNI FAKULTET**

**2.12.** Dr. Jasminke Gradašćević-Sijerčić u zvanje vanrednog profesora za predmet RADNO PRAVO. Izvjestilac je bio prof. dr. Sead Dedić.

#### **PRIRODNO-MATEMATIČKI FAKULTET**

**2.13.** Dr. Željka Jurića u zvanje docenta za oblast TEORIJSKA KOMPJUTERSKA NAUKA. Izvjestilac je bio prof. dr. Hasan Jamak.

#### **VETERINARSKI FAKULTET**

**2.14.** Dr. Velije Katice u zvanje docenta za drugi predmet (fakultativni) KINOLOGIJA. Izvjestilac je bio prof. dr. Mustafa Podžo.

**2.15.** Dr. Ramiza Ćutuka u zvanje docenta za drugi predmet (fakultativni) UZGOJ DIVLJACI. Izvjestilac je bio prof. dr. Velija Katica.

#### **VISOKA ZDRAVSTVENA ŠKOLA**

**2.16.** Dr. Predraga Ljubunčića u zvanje docenta za predmet KLINIČKA KEMIJA I i II. Izvjestilac je bio prof. dr. Emin Sofić.

**2.17.** Dr. Suada Habeša u zvanje docenta za predmet KEMIJSKA I MIKROBIOLOŠKA KONTROLA NAMIRNICA. Izvjestilac je bio prof. dr. Faruk Čaklović.

#### **PEDAGOŠKA AKADEMIJA**

**2.18.** Nakon kraće rasprave uz 2 (dva) glasa „protiv“ i 1 (jedan) „uzdržan“ data je saglasnost i na izbor dr. Rašide Kadrić u zvanje docenta za predmet KNJIŽEVNOST ZA DJECU. Izvjestilac je bio prof. dr. Uzeir Bavčić.

### **Ad-3.**

Prof. dr. Hasan Muratović je, povodom Izvještaja o radu Rektorata Univerziteta u Sarajevu za period oktobar 2004. – decembar 2005. godine, istakao kako se moraju nastaviti aktivnosti na daljnjoj izgradnji KAMPUS-a, te da se i EFOR treba iseliti sa ovog lokaliteta. Također, treba predložiti Upravnom odboru Univerziteta u Sarajevu da donese odluku da, ukoliko sredstva koja bi se dobila od prodaje zemljišta za gradnju Ambasade Sjedinjenih Američkih Država na lokalitetu KAMPUS-a budu dodjeljena Univerzitetu u Sarajevu, ista bi trebala biti iskorištena u svrhu projektovanja i izgradnje zgrade Poljoprivrednog fakulteta.

Zatim je otvorena diskusija u kojoj su učestvovali: prof. dr. Šefkija Čekić, prof. dr. Hasan Muratović, prof. dr. Selma Ferović, prof. dr. Stjepan Marić, prof. dr. Kemo Sokolija, prof. dr. Ismet Grbo, prof. dr. Hidajet Repovac, prof. dr. Vjekoslav Selak, prof. dr. Faruk Mekić, prof. dr. Ahmet Hadrović, prof. dr. Muharem Avdispahić, prof. Marko Kovačević, prof. dr. Elvira Kovač-Bešović, prof. dr. Nenad Tanović i prof. dr. Izet Rađo.

Po završetku diskusije članovi Senata su prihvatili tekst Izvještaja o radu Rektorata Univerziteta u Sarajevu za period oktobar 2004. – decembar 2005. godine.

### **Ad-4.**

Prof. dr. Hasan Muratović je, povodom provođenja reforme na Univerzitetu u Sarajevu, informisao članove Senata o aktivnostima u vezi sa slijedećim:

- Izradom Zakona o visokom obrazovanju na nivou Kantona Sarajevo. Istakao je da na ovom Zakonu radi tim sastavljen od članova iz Kantona i sa Univerziteta, te se nada da bi preliminarni tekst Zakona trebao biti gotov za dvije nedjelje;
- Na jednoj od narednih sjednica razmatrat će se analiza uspjeha studenata u I semestru, pa dekani zamoljeni da dostave podatke koji će biti sačinjeni u skladu sa usvojenim privremenim Pravilima studiranja. Neophodno je da se uspjeh proanalizira na sjednicama nastavno-naučnog vijeća;
- Potrebno je da visokoškolske ustanove nađu referentne partnerske fakultete da bi se uradile recenzije nastavnih planova i programa.

Potom se o aspektima reforme na Univerzitetu vodila diskusija u kojoj su učestvovali: prof. dr. Samir Arnautović, prof. dr. Kemo Sokolija, prof. dr. Hasan Muratović, prof. dr. Ismet Grbo, prof. dr. Ilijas Tanović, prof. dr. Ahmed Hadrović, prof. dr. Nenad Tanović, prof. dr. Stjepan Marić i prof. dr. Faruk Čaklovica.

Na kraju rasprave je, a povodom istaknutih problema sa vanrednim studijem, donesen **zaključak** da se sa predsjednicima grupacija održi sastanak o navedenom problemu. Za koordinaciju ovog sastanka zadužuje se gospodin Zoran Selesković, generalni sekretar Univerziteta.

### **Ad-5.**

Prof. dr. Hasan Muratović istakao je da nema opravdanja što neke visokoškolske ustanove nisu počele sa implementacijom aplikacije „Studentska služba integriranog UNSA“. Ovom prilikom naglasio je da visokoškolske ustanove koje nisu počele sa pomenutom implementacijom se moraju bolje organizirati, te da pronađu osobu koja će moći educirati zaposlene u studentskim službama u primjeni ove aplikacije.

### **Ad-6.**

Prof. dr. Hasan Muratović dao je uvodne napomene, koje se odnose na dostavljeni tekst Pravilnika o plaćama, dodacima na plaću i naknadama po osnovu rada zaposlenika Univerziteta u Sarajevu (radni materijal).

Zatim se vodila diskusija u kojoj su učestvovali: prof. dr. Selma Ferović, prof. dr. Mensur Hajro, prof. dr. Uzeir Bavčić, prof. Marko Kovačević, prof. dr. Faruk Mekić i prof. dr. Hasan Muratović.

Nakon okončane diskusije zaključeno je da, u roku od tri sedmice, visokoškolske ustanove dostave svoje prijedloge i sugestije Komisiji za utvrđivanje sistema plaća i drugih naknada na Univerzitetu u Sarajevu.

#### **Ad-7.**

Prof. dr. Hasan Muratović je, povodom informacije o održavanju Svečane promocije diplomanata i magistranata fakulteta i akademija Univerziteta u Sarajevu za 2006. godinu, naglasio da će i ovogodišnja promocija uglavnom biti kao i prošlogodišnja. Preporučio je visokoškolskim ustanovama da se, ukoliko su umogućnosti pobrinu za svoje toge. S obzirom da Univerzitet u Sarajevu još uvijek nema obezbjeđeno sponzorstvo za navedenu promociju, otvara se pitanje da li će se toge moći obezbijediti za ovu promociju.

Zatim se vodila rasprava u kojoj su učestvovali: prof. Nusret Pašić, prof. dr. Hasan Muratović, prof. Marko Kovačević, prof. dr. Ahmet Hadrović, prof. dr. Mensur Hajro i prof. dr. Kemo Sokolija.

Nakon okončanja rasprave, zaključeno je da se na narednoj sjednici Senata ponovo razmotri pitanje toga.

#### **Ad-8.**

Prof. dr. Hasan Muratović je upozorio članove Senata na hitnost utvrđivanja matičnih predmeta i oblasti. Ovo tim prije što su i Rektorat Univerziteta kao i sve visokoškolske ustanove našeg Univerziteta dobile pismo od Ministra obrazovanja Kantona Sarajevo kojim se **obavezujemo da utvrdimo matične nastavne predmete i oblasti visokoškolskih ustanova i članica Univerziteta, a najkasnije do kraja mjeseca marta 2006. godine.**

Potom se o ovoj problematici vodila rasprava u kojoj su učestvovali: prof. dr. Šefkija Čekić, prof. dr. Hasan Muratović, prof. dr. Faruk mekić, prof. dr. Adnan Silajdžić, prof. dr. Kemo Sokolija i prof. dr. Stjepan Marić.

Na kraju rasprave je, na prijedlog Rektora, **zaključeno** da grupacije do iduće sjednice Senata dogovore **matične oblasti.**

#### **Ad-9.**

Jednoglasno je i bez primjedbi, u predloženom i dostavljenom tekstu, **donesen**

### **P r a v i l n i k**

o zadacima i načinu rada grupacija visokoškolskih i naučnih članica  
Univerziteta u Sarajevu.

#### **Ad-10.**

#### **DOKTORATI NAUKA:**

Jednoglasno su **d o n e s e n e O D L U K E o obrazovanju komisija za ocjenu uslova kandidata i podobnosti tema doktorskih disertacija:**

#### **EKONOMSKI FAKULTET**

**10.1.** Obrazuje se Komisija za ocjenu uslova kandidata mr. Senada Softića i podobnosti teme doktorske disertacije **SIMPTOMI I UZROCI KRIZE POSLOVANJA PREDUZEĆA U BOSNI I HERCEGOVINI** u slijedećem sastavu:

1. Dr. Hasan Muratović, redovni profesor, predsjednik
2. Dr. Aziz Šunje, vanredni profesor, član
3. Dr. Dževad Šehić, vanredni profesor, član
4. Dr. Muris Čičić, redovni profesor, zamjenik člana i  
- Dr. Zijada Rahimić, docent, zamjenik člana.

#### **ELEKTROTEHNIČKI FAKULTET**

**10.2.** Obrazuje se Komisija za ocjenu uslova kandidata mr. Sifeta Mehanovića i podobnosti teme doktorske disertacije **ISTRAŽIVANJE REGULACIJE SISTEMA HLAĐENJA U CILJU INTEGRALNOG REGULISANJA PROCESA KOD MOTORA SA UNUTRAŠNJIM IZGARANJEM** u slijedećem sastavu:

1. Dr. Asif Šabanović, redovni profesor, predsjednik
2. Dr. Ivan Filipović, redovni profesor, član i
3. Dr. Nijaz Hadžimejlić, vanredni profesor, član.

#### **FAKULTET KRIMINALISTIČKIH NAUKA**

**10.3.** Obrazuje se Komisija za ocjenu uslova kandidata mr. Muhameda Budimlića i podobnosti teme doktorske disertacije **OBIM I STRUKTURA KRIMINALITETA MALOLJETNIKA I GENERALNA PREVENCIJA – STUDIJA SLUČAJA: KANTON SARAJEVO** u slijedećem sastavu:

1. Dr. Borislav Petrović, docent, predsjednik
2. Dr. Vladimir Krivokapić, redovni profesor (Beograd, SCG), član
3. Dr. Sakib Softić, docent, član i
4. Dr. Zenaid Đelmo, docent, član.

#### **FAKULTET POLITIČKIH NAUKA**

**10.4.** Obrazuje se Komisija za ocjenu uslova kandidata mr. Faika Špage i podobnosti teme doktorske disertacije **KONFLIKTI LOKALNIH I DRŽAVNIH INTERESA - STUDIJA SLUČAJA: PLANIRANJE I IZGRADNJA HIDROELEKTRANA U GORNJEM TOKU RIJEKE NERETVE OD 1945. DO 2005. GODINE** u slijedećem sastavu:

1. Dr. Mirko Pejanović, redovni profesor, predsjednik
2. Dr. Asad Nuhanović, vanredni profesor, član i
3. Dr. Nijaz Musabegović, vanredni profesor, član.

#### **FILOZOFSKI FAKULTET**

**10.5.** Obrazuje se Komisija za ocjenu uslova kandidata mr. Sabahete Gačanin i podobnosti teme doktorske disertacije „Perzijski divan Ahmeda Hatema Bjelopolja (lingvistička analiza)“ u slijedećem sastavu:

1. Dr. Bert G. Fragner, redovni profesor (Beč, Austrija)
2. Dr. Hasnija Muratagić-Tuna, redovni profesor i
3. Dr. Namir Karahalilović, docent.

#### **POLJOPRIVREDNI FAKULTET**

**10.6.** Obrazuje se Komisija za ocjenu uslova kandidata mr. Nasira Sinanovića i podobnosti teme doktorske disertacije **KVALITET STELJE U OVISNOSTI OD SIROVINE I TEHNOLOŠKOG PROCESA PROIZVODNJE** u slijedećem sastavu:

1. Dr. Ahmed Smajić, redovni profesor
2. Dr. Zahid Čaušević, professor emeritus
3. Dr. Hamid Bogućanin, redovni profesor i
- Dr. Selma Čorbo, docent, zamjenik člana.

#### **PRAVNI FAKULTET**

**10.7.** Obrazuje se Komisija za ocjenu uslova kandidata mr. Fuada Puriševića i podobnosti teme doktorske disertacije **PRAVNI I SOCIJALNI ASPEKTI INTEGRIRANJA BORAČKE ZAŠTITE U BOSNI I HEREGOVINI** u slijedećem sastavu:

1. Dr. Sead Dedić, redovni profesor
2. Dr. Nedo Miličević, redovni profesor i
3. Dr. Jasminka Gradašćević-Sijerčić, docent.

#### **VETERINARSKI FAKULTET**

**10.8.** Obrazuje se Komisija za ocjenu uslova kandidata mr. Tarika Mutevelića i podobnosti teme doktorske disertacije **OPTIMALIZACIJA METODA SINHRONIZACIJE ESTRUSA U RANOM I KASNOM POSTPUERPERALNOM PERIODU KRAVA** u slijedećem sastavu:

1. Dr. Jasmin Ferizbegović, vanredni profesor (Tuzla)
2. Dr. Mustafa Podžo, redovni profesor
3. Dr. Mehmed Muminović, vanredni profesor
4. Dr. Nazif Varatanović, docent i
5. Dr. Nihad Fejzić, docent.

Jednoglasno su **d o n e s e n e O D L U K E** o verifikaciji izvještaja o ocjenu uslova kandidata i podobnosti tema doktorskih disertacija:

#### **ARHITEKTONSKI FAKULTET**

**10.9.** Verificira se Izvještaj Komisije za ocjenu uslova kandidata mr. Senade Demirović-Habibija i podobnosti teme doktorske disertacije **URBANA REKONSTRUKCIJA U KONTINUITETU**.

#### **ELEKTROTEHNIČKI FAKULTET**

**10.10.** Verificira se Izvještaj Komisije za ocjenu uslova kandidata mr. Abdulaha Akšamovića i podobnosti teme doktorske disertacije **SISTEMSKI PRISTUP RAZVOJU MODELA AUTONOMNIH POKRETNIH OBJEKATA U DVODIMENZIONALNOM PROSTORU**.

#### **FAKULTET POLITIČKIH NAUKA**

**10.11.** Verificira se Izvještaj Komisije za ocjenu uslova kandidata mr. Halida Ganije i podobnosti teme doktorske disertacije **SOCIJALNO-EKONOMSKA OBILJEŽJA RAZBOJNIŠTVA U FEDERACIJI BOSNE I HERCEGOVINE 1997. – 2004. GODINE**.

**10.12.** Verificira se Izvještaj Komisije za ocjenu uslova kandidata mr. Azema Poljića i podobnosti teme doktorske disertacije **JEDNORODITELJSKE PORODICE I SOCIJALNI RAD**.

**10.13.** Verificira se Izvještaj Komisije za ocjenu uslova kandidata mr. Esada Ljubovića i podobnosti teme doktorske disertacije OSNOVNE KONSTANTE U RAZVOJU BOSANSKOHERCEGOVAČKOG DRUŠTVA.

**10.14.** Verificira se Izvještaj Komisije za ocjenu uslova kandidata mr. Ešrefa Kenana Rašidagića i podobnosti teme doktorske disertacije UTICAJ EKSTERNIH FAKTORA NA RAZVOJ DOKTRINE „VOJNOG HUMANIZMA“.

**10.15.** Verificira se Izvještaj Komisije za ocjenu uslova kandidata mr. Mehmeda Avdagića i podobnosti teme doktorske disertacije OSTVARIVANJE ULOGE I FUNKCIJA SINDIKATA U SOCIJALNOJ POLITICI I SOCIJALNOJ SIGURNOSTI RADNIKA U SAVREMENOM DEMOKRATSKOM DRUŠTVU BOSNE I HERCEGOVINE.

#### **FAKULTET SPORTA I TJELESNOG ODGOJA**

**10.16.** Verificira se Izvještaj Komisije za ocjenu uslova kandidata mr. Emira Pašalića i podobnosti teme doktorske disertacije STRUKTURALNA ANALIZA KLASA SADRŽAJA KONDICIONE PRIPREME ZA RAZVOJ I ODRŽAVANJE RAZLIČITIH DIMENZIJA SNAGE.

**10.17.** Verificira se Izvještaj Komisije za ocjenu uslova kandidata mr. Asima Bradića i podobnosti teme doktorske disertacije STRUKTURALNA ANALIZA KLASA SADRŽAJA SPECIFIČNE KONDICIONE PRIPREME U KOŠARCI.

**10.18.** Verificira se Izvještaj Komisije za ocjenu uslova kandidata mr. Osmana Lačića i podobnosti teme doktorske disertacije NIVOI TRANSFORMACIONIH PROCESA MOTORIČKIH I FUNKCIONALNIH SPOSOBNOSTI I MORFOLOŠKIH KARAKTERISTIKA POD UTICAJEM PROGRAMIRANIH AKTIVNOSTI.

Jednoglasno su **d o n e s e n e O D L U K E** o obrazovanju komisija za ocjenu i odbranu doktorskih disertacija:

#### **FAKULTET POLITIČKIH NAUKA**

**10.19.** Obrazuje se Komisija za ocjenu i odbranu doktorske disertacije kandidata mr. Selima Hasovića pod naslovom DRŽAVNOST BOSNE I HERCEGOVINE I LOKALNA UPRAVA U PERIODU 1946. DO 1990. GODINE u slijedećem sastavu:

1. Dr. Asad Nuhanović, vanredni profesor, predsjednik
2. Dr. Mustafa Imamović, redovni profesor, član
3. Dr. Mirko Pejanović, redovni profesor, član i
  - Dr. Hasan Zolić, redovni profesor, zamjenik člana.

#### **POLJOPRIVREDNI FAKULTET**

**10.20.** Obrazuje se Komisija za ocjenu i odbranu doktorske disertacije kandidata mr. Elme Temim pod naslovom EVALUACIJA I SAVREMENO HORTIKULTURNO OBLIKOVANJE URBANE JEZGRE MOSTARA u slijedećem sastavu:

1. Dr. Mirsad Kurtović, vanredni profesor, predsjednik
2. Dr. Tatjana Ljujić-Mijatović, redovni profesor, član
3. Dr. Nedžad Kurto, redovni profesor, član
  - Dr. Vladimir Beus, redovni profesor, zamjenik člana i
  - Dr. Muriz Spahić, redovni profesor, zamjenik člana.



**10.21.** Obrazuje se Komisija za ocjenu i odbranu doktorske disertacije kandidata mr. Jadranke Pejičić pod naslovom NOVE MOGUĆNOSTI SUZBIJANJA *Monilinia laxa* (Ader. End Ruhl.) Honey ex Whetz na *Prunus persica* L. i *Prunus armeniaca* L. EKOLOŠKI PRIHVATLJIVIM FUNGICIDIMA u slijedećem sastavu:

1. Dr. Mirsad Kurtović, vanredni profesor
2. Dr. Refik Numić, professor emeritus
3. Dr. Husnija Festić, professor emeritus i
- Dr. Dževad Jarebica, professor emeritus, zamjenik člana.

#### **Ad-11.**

**11.1.** Daje se *saglasnost* na Nastavni plan i program Postdiplomskog studija iz historije Bosne i Hercegovine na Filozofskom fakultetu u Sarajevu.

**11.2.** Povodom Prijedloga nastavnog plana i programa Postdiplomskog studija iz lingvističkih disciplina na Filozofskom fakultetu u Sarajevu, zaključeno je da se isti vraća nadležnim organima Filozofskog fakulteta na doradu, jer je konstatovano da u navedenom prijedlogu nije predviđen potreban broj časova nastave.

**11.3.** Daje se *saglasnost* na Nastavni plan i program Postdiplomskog magistarskog studija DIZAJN PROIZVODA na Mašinskom fakultetu u Sarajevu.

#### **Ad-12.**

Povodom Prijedloga za davanje saglasnosti na raspisivanje Konkursa za upis III generacije studenata postdiplomskog studija „Evropske studije“ (koji organizira Centar za interdisciplinarne postdiplomske studije Univerziteta u Sarajevu), prof. dr. Muharem Avdispahić je stavio primjedbu da, pošto se radi o nastavnom planu i programu od čijeg je usvojanja prošlo četiri godine, navedeni nastavni plan i program je potrebno inovirati. Tek nakon toga bi se mogla dati saglasnost za upis nove generacije za navedeni studij.

Prof. dr. Azra Hadžiahmetović je u kraćim crtama obrazložila koncept gore navedenog studija, te istakla da se isti kontinuirano inovira.

Zatim se u raspravu uključio prof. dr. Ismet Grbo koji je problematizirao status Centara za interdisciplinarne postdiplomske studije i koncept studija koji se odvija pri Centru.

Gospodin Zoran Selesković je obrazložio status Centra kojeg je svojevremeno, svojim aktima, definirao Upravni odbor Univerziteta u Sarajevu.

Prof. dr. Hasan Muratović je istakao da su u toku pokušaji da se regulira status ovog Centra koji ima svoju funkciju, a raspolaže svojim prostorijama, te egzistira na bazi donacija.

Prof. dr. Muharem Avdispahić je ponovo naglasio da je jedino potrebno Senatu dostaviti na raspravu za slijedeću sjednicu Senata Inovirani nastavni plan i program „Evropskih studija“.

Nakon kraće rasprave u kojoj su učestvovali: prof. dr. Azra Hadžiahmetović, prof. dr. Ismet Grbo i prof. dr. Faruk Mekić, Rektor je stavio na glasanje prvo Prijedlog o davanju saglasnosti na raspisivanje Konkursa za upis III generacije studenata postdiplomskog studija „Evropske studije“. Uz 1 (jedan) glas „za“ i sve ostale „protiv“, ovaj prijedlog **nije usvojen.**

Nakon toga, članovi Senata su donijeli **zaključak** da se Centar obaveže da dostavi Inovirani nastavni plan i program postdiplomskog studija „Evropske studije“ koji će se prvo razmatrati na Grupaciji društvenih nauka, a zatim na Senatu uz obavezno prisustvo Direktora Centra.

#### **Ad-13.**

Senat je, uz 1 (jedan) „uzdržan“ glas prihvatio prijedlog Izdavačkog savjeta i na osnovu istog **d o n i o O D L U K E** o davanju saglasnosti da se slijedeće publikacije izdaju kao univerzitetska izdanja:

#### **MEDICINSKI FAKULTET**

- 13.1.** a) Udžbenik „Pedijatrija za studente Medicinskog fakulteta“ autora prof. dr. Senke Dinarević-Mesihović,  
b) Udžbenik „Pedijatrija za studente Stomatološkog fakulteta“ autora prof. dr. Senke Dinarević-Mesihović i  
c) Udžbenik „Pedijatrija za studente Visoke zdravstvene škole“ autora prof. dr. Senke Dinarević-Mesihović.

#### **PRAVNI FAKULTET**

**13.2.** Univerzitetska knjiga „Obligaciono pravo – posebni dio“ autora doc. dr. Abedina Bikića.

#### **PRIRODNO-MATEMATIČKI FAKULTET**

**13.3.** Udžbenik „Osnove kvantne mehanike, statističke fizike i fizike čvrstog stanja“ autora doc. dr. Mirsade Pirić.

**13.4.** Praktikum „Opća fizika – praktikum i laboratorijske vježbe“ autora doc. dr. Mirsade Pirić i mr. Zalkide Hadžibegović;

#### **MEDICINSKI FAKULTET**

**13.5.** „Praktikum iz otorinolaringologije“ autora prof. dr. Adnana Kapidžića i saradnika.

#### **Ad-14.**

**14.1.** Usvaja se Izvještaj Komisije za nostrifikaciju Diplome profesionalno usmjerene naobrazbe – primjenjena umjetnost i dizajn **Jasmine Malićbegović**, a navedena diploma je stečena na Hanze Visoko-obrazovnoj školi – Akademija Minerva (Holandija).

**14.2.** Usvaja se Izvještaj Komisije za nostrifikaciju Diplome doktorata nauka iz oblasti psihologije **Ervina Poljca**.

Diploma navedena u prethodnom stavu stečena je na Univerzitetu u Utrehtu (Holandija).

**14.3.** Imenuje se Komisija za nostrifikaciju odnosno ekvivalenciju Diplome akademskog stepena Bachelor of Science u oblasti politike i međunarodnih odnosa kandidata **Adnana Huskića**, koju je imenovani stekao na Univerzitetu u Londonu (Velika Britanija).

Komisija navedena u prethodnom stavu imenuje se u slijedećem sastavu:

1. Prof. dr. Asad Nuhanović (Političko javno mnijenje, Politički marketing), Fakultet političkih nauka, predsjednik
2. Prof. dr. Nijaz Duraković (Međunarodni odnosi, Uporedni politički sistemi), Fakultet političkih nauka, član
3. Doc. dr. Tufik Burnazović (Međunarodno privatno pravo, Međunarodne organizacije), Fakultet političkih nauka, član
4. Prof. dr. Enver Imamović (Opća historija), Filozofski fakultet, član i
5. Prof. dr. Dragoljub Stojanov (Međunarodna ekonomija), Ekonomski fakultet, član.

**14.4.** Imenuje se Komisija za nostrifikaciju odnosno ekvivalenciju Diplome diplomiranog ekonomiste u pomorstvu kandidata *Ismire Ahmović* koju je imenovana stekla na Sveučilištu u Dubrovniku (Republika Hrvatska).

Komisija navedena u prethodnom stavu imenuje se u slijedećem sastavu:

1. Prof. dr. Miloš Trifković (Međunarodno poslovno pravo), Ekonomski fakultet, predsjednik
2. Prof. dr. Dragoljub Stojanov (Međunarodna ekonomija, Međunarodne finansije), Ekonomski fakultet, član
3. Prof. dr. Boris Tihi (Marketing, Istraživanje marketinga), Ekonomski fakultet, član
4. Prof. dr. Hilmija Šemić (Pravo u transportu i komunikacijama), Fakultet za saobraćaj i komunikacije, član i
5. Doc. dr. Fadila Kiso (Teorija saobraćaja i komunikacijskih tokova, Savremene tehnologije transporta), Fakultet za saobraćaj i komunikacije, član.

#### **Ad-15.**

##### **Tekuća pitanja:**

**15.1.** Prof. dr. Izet Rađo je upozorio članove Senata, odnosno dekane visokoškolskih ustanova da u pojedinim novim nastavnim planovima i programima nije predviđen predmet „Tjelesni odgoj“, te da je činjenica da se na nekim fakultetima više i ne odvija nastava za ovaj predmet.

Gospodin Zoran Selesković je, povodom navoda prof. dr. Izeta Rađe, upozorio da je još uvijek na snazi Odluka Senata o opšim predmetima u koje spada i „Tjelesni odgoj“.

Potom se o ovoj problematici vodila rasprava u kojoj su učestvovali: prof. dr. Samir Arnautović, prof. dr. Muharem Avdispahić, prof. dr. Faruk Mekić, prof. dr. Hasan Muratović i prof. dr. Izet Rađo.

Na kraju je usvojen **zaključak** da se visokoškolske ustanove **obavezuju da ponude studentima organiziranje nastave tjelesnog odgoja.**

**15.2.** Prof. dr. Elvira Kovač-Bešović zamolila je da se na idućoj sjednici Senata raspravlja o Informaciji o rješavanju problema prostora Farmaceutskog fakulteta u Sarajevu, što je Senat i usvojio.

Sjednica je završena u 16,30 sati.

#### **REKTOR**

*Prof. dr. Hasan Muratović*

Zapisničar:

Jasna Bundalo, dipl.iur.